

Broj:UPI 03-34/13-37/15
Sarajevo, 21.12.2015.

UDRUŽENJE POSLODAVACA U FBiH
SARAJEVO
Broj: 0-84/15
Datum: 25.12.2015.god.

Federalno ministarstvo rada i socijalne politike, u postupku utvrđivanja reprezentativnosti udruženja poslodavaca na teritoriji Bosne i Hercegovine, na zahtjev Udruženja poslodavaca Federacije BiH, Sarajevo Mula Mustafe Bašeskije 12, na osnovu člana 130. Zakona o radu ("Službene novine Federacije BiH", broj 62/15), donosi

RJEŠENJE

o utvrđivanju reprezentativnosti udruženja poslodavaca na teritoriji Federacije Bosne i Hercegovine

1. Utvrđuje se da je Udruženje poslodavaca Federacije Bosne i Hercegovine reprezentativno udruženje poslodavaca na teritoriji Bosne i Hercegovine.
2. Utvrđuje se da je Udruženje poslodavaca Federacije Bosne i Hercegovine reprezentativno udruženje poslodavaca za djelatnosti za koja ima organizacione dijelove osnovane kao grupacije za određena područja djelatnosti, odnosno na teritorijalnom principu, i to:
 - Grupacija za djelatnost prevoza u drumskom saobraćaju
 - Grupacija za djelatnost metalne industrije
 - Grupacija za djelatnost tekstilne, kožarsko prerađivačke i gumarske industrije
 - Grupacija poslodavaca za djelatnost drvne industrije
 - Grupacija za djelatnost finansijskog poslovanja
 - Grupacija poslodavaca za djelatnost građevinarstva
 - Grupacija poslodavaca za djelatnost trgovine
 - Grupacija poslodavaca za djelatnost telekomunikacija
 - Grupacija poslodavaca za djelatnost hemije i nemetala
 - Grupacija za oblast nafte i petrohemije
 - Grupacija poslodavaca za djelatnost prehrambene industrije
 - Grupacija poslodavaca za djelatnost hotelijerstva, turizma i ugostiteljstava
 - Grupacija poslodavaca za grafičko izdavačku industriju
 - Grupacija poslodavaca za područje Srednjobosanskog kantona
 - Grupacija poslodavaca za područje Zeničko-dobojskog kantona
 - Grupacija poslodavaca za područje Unsko – sanskog kantona
 - Grupacija poslodavaca za područje Zapadno-hercegovačkog kantona
 - Grupacija poslodavaca za područje Tuzlanskog kantona.
3. Utvrđuje se da je Udruženje poslodavaca FBiH, odnosno članice tog Udruženja reprezentativno udruženje na teritoriji Federacije BiH, odnosno na području kantona i to:
 - Udruženje poslodavaca za djelatnost komunalne privrede FBiH
 - Udruženje poslodavaca Sarajevskog kantona.

O b r a z l o ž e n j e

Članom 128. Zakona o radu propisani su uslovi za utvrđivanje reprezentativnosti udruženja poslodavaca i to: da je udruženje upisano u registar u skladu sa zakonom, da ima potreban broj članova, te da se finansira pretežno iz članarina i drugih vlastitih izvora. Istim članom utvrđeno je da je reprezentativno udruženje poslodavaca čiji članovi zapošljavaju najmanje 20% od ukupnog broja zaposlenih u privredi na teritoriji Federacije BiH, odnosno području kantona.

Shodno navedenom, Udruženje poslodavaca FBiH podnijelo je zahtjev za utvrđivanje reprezentativnosti tog udruženja i njegovih članica na teritoriji Federacije BiH uz koji je priloženo Rješenje Federalnog ministarstva pravde o upisu u Registar udruženja kod Federalnog ministarstva pravde broj 04-05-2-457/02 od 14.02.2002 i rješenja o promjeni upisa od 12.04.2002., 09.10.2008., 23.08.2012, 21.10.2014. i 03.09.2015. Statut udruženja i Izmjene Statuta, Bilans uspjeha Udruženja za 2014. godinu kao dokaz o finansiranju Udruženja iz članarina, Izjavu ovlaštenog lica o broju članica Udruženja i broju radnika koje one zapošljavaju i Odluke o osnivanju grupacija pri Udruženju poslodavaca FBiH.

U postupku utvrđivanja reprezentativnosti udruženja poslodavaca, Federalno ministarstvo rada i socijalne politike, u skladu sa članom 130. stav 2. Zakona o radu, pribavilo je podatke o broju ukupno zaposlenih u privredi na teritoriji Federacije BiH.

Prilikom razmatranja podnesenog zahtjeva Federalno ministarstvo rada i socijalne politike prihvatilo je Izjavu direktora Udruženja poslodavaca F BiH kao ovlaštenog lica o ukupnom broju članica Udruženja i broju zaposlenih radnika i konstatovalo da Udruženje ima 25.357 pojedinačnih i kolektivnih članica koje upošljavaju više od 100.000 radnika u Federaciji BiH.

Prema podacima Federalnog zavoda za statistiku ukupan broj zaposlenih u privredi na teritoriji F BiH u septembru 2015 godine bio je 272.965 osoba.

Na osnovu navedenih podataka utvrđeno je da članice Udruženja poslodavaca F BiH zapošljavaju 36,63% od ukupnog broja zaposlenih u privredi na teritoriji Federacije BiH čime se ispunjava uslov u pogledu broja radnika koje zapošljavaju članice Udruženja, u smislu stava 2. člana 128. Zakona o radu. Članice udružene kao organizacioni dio Udruženja poslodavaca FBiH ispunjavaju uslove iz člana 128. stav 4. Zakona o radu, a kako Udruženje poslodavaca F BiH ispunjava i druge uslove utvrđene članom 128. Zakona o radu, odlučeno je kao u izreci rješenja.

Protiv ovog rješenja može se pokrenuti upravni spor pred nadležnim sudom u roku od 30 dana od danja dostavljanja rješenja.

Dostaviti:

- ① Udruženje poslodavaca BiH
Sarajevo, M.M. Bašeskije12
2. evidencija
3. arhiva

